



# Y Swyddfa Reoleiddio Niwclear (ONR) Adroddiad Safle Chwarterol ar gyfer Trawsfynydd

Adroddiad am y cyfnod 1 Ionawr i 31 Mawrth 2014

## Rhagair

Cyhoeddir yr adroddiad hwn yn rhan o ymrwymiad yr ONR i sicrhau bod gwybodaeth am weithgareddau arolygu a rheoleiddiol yn ymwneud â'r safle uchod ar gael i'r cyhoedd. Dosberthir adroddiadau yn chwarterol i aelodau o Grŵp Rhanddeiliaid Safle Trawsfynydd a hefyd maent ar gael ar wefan yr ONR (<http://www.onr.org.uk/lrc/>).

Fel arfer bydd arolygwyr safle o'r ONR yn mynd i gyfarfodydd Grŵp Rhanddeiliaid Safle Trawsfynydd a byddant yn ymateb i unrhyw gwestiynau a godir yno. Dylai unrhyw un sydd eisiau ymholi ynglŷn â materion a drafodir yn yr adroddiad hwn gysylltu â'r ONR.

## TABL CYNWYS

1	AROLYGIADAU.....	3
2	MATERION ARFEROL.....	3
3	MATERION ANARFEROL.....	4
4	GWEITHGAREDD RHEOLEIDDIO .....	4
5	NEWYDDION GAN YR ONR.....	4
6	CYSYLLTIADAU .....	5

## 1 AROLYGIADAU

### 1.1 Dyddiadau arolygiadau

Fe gyflawnodd arolygydd safle'r ONR arolygiadau ar y dyddiadau canlynol yn ystod y chwarter:

- 26 i 27 Chwefror
- 17 i 20 Mawrth

Fe gyflawnodd arolygydd arbenigol gallu dynol a sefydliadol yr ONR arolwg ar y dyddiadau canlynol yn ystod y chwarter:

- 26 i 27 Chwefror

## 2 MATERION ARFEROL

### 2.1 Arolygiadau

Cynhelir arolygiadau ar y safle fel rhan o'r broses o fonitro cydymffurfiaeth â'r canlynol:

- Yr amodau a atodwyd gan yr ONR i'r drwydded safle niwclear a ddyfarnwyd dan y Ddeddf Safleoedd Niwclear 1965 (NIA65) (fel y'i diwygiwyd);
- Deddf Ynni 2013;
- Deddf Iechyd a Diogelwch yn y Gwaith 1974 (HSWA74); a
- Rheoliadau a wnaed o dan HSWA74, er enghraifft y Rheoliadau Ymbelydredd Ïoneiddio 1999 (IRR99) a'r Rheoliadau Rheoli Iechyd a Diogelwch yn y Gwaith 1999 (MHSWR99).

Mae'r arolygiadau yn golygu monitro gweithredoedd y trwyddedai ar y safle yng nghyswllt digwyddiadau, gweithrediadau, cynnal a chadw, prosiectau, addasiadau, newidiadau i'r ddadl ddiogelwch ac unrhyw faterion eraill a all effeithio ar ddiogelwch. Mae'n ofynnol i'r trwyddedai wneud trefniadau digonol a'u rhoi ar waith o dan yr amodau sydd wedi eu hatodi i'r drwydded er mwyn sicrhau cydymffurfiaeth gyfreithiol. Mae arolygiadau yn ceisio rhoi barn ar ddigonolrwydd y trefniadau hyn a'u gweithrediad.

Yn y cyfnod hwn cwmpasodd arolygiadau rheolaidd (safle/gorsaf) y canlynol.

- Archwilio, cynnal a chadw, arolygu a phrofi; Rheolaeth ar gynnal a chadw (gan gynnwys monitro gweithgareddau cynnal a chadw i sicrhau eu bod yn cael eu cyflawni yn ôl yr amserlen, a phaidio â defnyddio offer os na lwyddwyd i gyflawni'r gweithgareddau cynnal a chadw yn llwyddiannus) yn dda.

Yn ychwanegol, fe wnaeth arolygydd safle'r ONR arolygu gweithrediad y ddadl ddiogelwch ar gyfer storio gweddillion elfennau tanwydd (FED), gan ddod i'r casgliad fod storio FED yn y fowntiau FED gogleddol a deheuol yn bodloni gofynion y ddadl ddiogelwch.

Yn gyffredinol, barnodd yr ONR bod y trefniadau a wnaed ac a weithredwyd gan y safle i ymateb i ofynion diogelwch yn ddigonol yn y meysydd a arolygwyd. Fodd bynnag, lle yr ystyriwyd bod gwelliannau yn angenrheidiol, gwnaeth y trwyddedai ymroddiadau boddhaol i fynd i'r afael â'r materion, a bydd yr arolygydd safle yn monitro cynnydd yn ystod ymweliadau yn y dyfodol. Lle bo angen, bydd yr ONR yn cymryd camau gorfodi rheoliadol ffurfiol i sicrhau y gweithredir mesurau adferol priodol o fewn terfynau amser sy'n rhesymol ymarferol.

Ymwelodd arolygydd arbenigol gallu dynol a sefydliadol â'r safle fel rhan o'r gwaith i fonitro a chloi ymyrraeth her fewnol yr ONR gyda Magnox Limited. Adolygodd yr arolwg gynnydd y safle wrth weithredu'r camau gwella oedd yn deillio o ymyrraeth yr ONR ac edrych ar y diwylliant o herio ar y safle. Yn gyffredinol barnwyd fod Magnox Limited yn dangos cynnydd da gyda'r camau o ymyrraeth yr ONR. Ond, bydd gweithredu'r trefniadau sicrhau newydd a diwygiedig yn gofyn am ragor o fonitro a gwreiddio dros amser.

## 2.2 Gwaith arall

Cynhaliodd arolygydd y safle gyfarfod achlysurol gyda chynrychiolwyr diogelwch, i gefnogi ei swyddogaeth o gynrychioli cyflogaion a derbyn gwybodaeth ar faterion yn effeithio ar eu hiechyd, diogelwch a lles yn y gwaith.

## 3 MATERION ANARFEROL

Mae'n ofynnol i drwyddedai sefydlu trefniadau i ymateb i faterion a digwyddiadau anghyffredin. Mae arolygwyr yr ONR yn barnu digonolrwydd ymateb y trwyddedai, yn cynnwys sut y gweithredwyd i gyflawni unrhyw welliannau angenrheidiol.

Nid oedd unrhyw faterion neu ddigwyddiadau arwyddocaol o'r fath yn ystod y cyfnod.

## 4 GWEITHGAREDD RHEOLEIDDIO

Gall arolygwyr ONR, arolygwyr arbenigol ac arolygwyr HSE gyhoeddi dogfennau ffurfiol i sicrhau y cydymffurfir â gofynion rheoliadol. O dan amodau trwyddedu safleoedd niwclear, mae'r ONR yn cyhoeddi dogfennau rheoliadol, sydd naill ai'n caniatáu gweithgaredd neu'n mynnu bod camau penodol yn cael eu cymryd; gelwir y rhain gyda'i gilydd yn 'Offerynnau Trwydded' (OTau), ond gallant fod ar ffurf arall. Yn ogystal, gall arolygwyr gyhoeddi Hysbysiadau Gorfodi i sicrhau gwelliannau i ddiogelwch.

Rhoddydd Offerynnau Trwydded i holl safleoedd Magnox yn y cyfnod hwn, i roi caniatâd i'r newidiadau sefydliadol sy'n deillio o'r newid trosiannol cystadleuol i riant gorff Magnox Limited.

- Cyhoeddwyd yr offerynnau trwydded canlynol yn ystod y cyfnod:

**Tabl 1**

### Offerynnau Trwydded a Hysbysiadau Gorfodi a Gyhoeddwyd gan yr ONR yn ystod y cyfnod hwn

Dyddiad	Math	Rhif Cyfeirio	Disgrifiad
31/01/14	Cytundeb	525	Cytundeb i reoli newid ar gyfer trosiant cystadleuol PBO Magnox Limited

Gellir dod o hyd i adroddiadau gyda manylion y penderfyniadau rheoleiddio uchod ar wefan yr ONR yn <http://www.onr.org.uk/pars/>.

## 5 NEWYDDION GAN YR ONR

Gellir cael cipolwg ar waith yr ONR fel rheolydd annibynnol i'r diwydiant niwclear yn Newyddion Chwarterol yr ONR. Mae'r cyhoeddiad ar-lein (<http://www.onr.org.uk/onr-quarterly-report.htm>) yn adrodd ar themâu a datblygiadau allweddol ym mhob un o raglenni rheoleiddio'r ONR ac yn rhoi'r newyddion diweddaraf ynglŷn â'r newidiadau sy'n parhau yn yr ONR. <http://www.onr.org.uk/index.htm>. I gael y newyddion a diweddiadau diweddaraf gan ONR, ewch i'r wefan a chofrestrwch ar gyfer ein e-fwletin (<http://www.onr.org.uk/ebulletin/index.htm>).

## 6 CYSYLLTIADAU

Office for Nuclear Regulation  
Redgrave Court  
Merton Road  
Bootle  
Merseyside  
L20 7HS  
gwefan: [www.onr.org.uk](http://www.onr.org.uk)  
e-bost: [ONREnquiries@onr.gsi.gov.uk](mailto:ONREnquiries@onr.gsi.gov.uk)

Cyhoeddir y ddogfen hon gan y Swyddfa Rheoleiddio Niwclear (ONR). Am ragor o wybodaeth am ONR, neu i roi adroddiad am anghysondebau neu wallau yn y cyhoeddiad hwn ewch i <http://www.onr.org.uk/feedback.htm>.

© Swyddfa Rheoleiddio Niwclear, 2014

Os ydych yn dymuno aildefnyddio'r wybodaeth hon, ewch i [www.onr.org.uk/copyright](http://www.onr.org.uk/copyright) am fanylion.  
Cyhoeddwyd 05/14

*Ar gyfer dogfennau cyhoeddedig, y copi electronig ar wefan yr ONR yw'r fersiwn fwyaf cyfredol sydd ar gael i'r cyhoedd ac mae ei gopïo neu ei argraffu yn gwneud y ddogfen hon yn un na ellir ei rheoli.*